



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Qualis primas esse, vel quid agete debat. clviii.

urn:nbn:de:hbz:466:1-10722

Patriarchæ verò vel primates accusatū discutientes episcopum, non ante sententiā proferant finitiuam, quàm apostolica fultus autoritate, aut reum se ipse confiteatur, aut per innocentes & regulariter examinatos conuincatur testes, qui minores nō sint numero, quàm illi discipuli fuerunt, quos dominus ad adiumentum apostolorum eligere præcepit.

De patriarchis & primatibus. Cap. CLV.

In illis verò ciuitatibus in quibus olim apud Ethnicos primi flamines eorum, atq; primi legis doctores erant, episcoporum primates poni, vel patriarchas, qui reliquorum episcoporum iudicia, & maiora, quoties necesse foret, negocia in fide agitent, & secundum domini voluntatem sicut sancti constituerunt apostoli, ita vt ne quis iniuste periclitaretur definirent.

De vocatione accusati episcopi. Cap. CLVI.

Vocatio enim ad synodū, iuxta decreta patrum canonica, eius qui impetitur, rationabilib⁹ scriptis per spatium fieri debet congruum atque canonicum. Quia nisi canonicè vocatus fuerit suo tempore, & canonica ordinatione: licet venerit ad conuentum, in quacunque necessitate, nisi spontè voluerit, nullatenus suis respondebit insidiatoribus, quoniam nec seculi leges hoc permittunt fieri, quanto magis diuinæ?

Et primates de accusato episcopo non ante sententiam proferant damnationis, quàm aut reum seipsum confiteatur, aut canonicè per innocentes testes conuincatur. Cap. CLVII.

Primates quoque accusatum discutientes episcopum, non ante sententiam proferant damnationis, quàm apostolica fretus autoritate, aut reum seipsum confiteatur, aut per innocentes & canonicè examinatos regulariter testes conuincatur. Aliter censemus irritā esse & iniustam episcoporum dānationē, & idcirco à synodo retractandā: ita vt oppressis ab omnibus in cunctis subueniatur causis.

Qualis primas esse vel quid agere debeat. Cap. CLVIII.

Concilium verò catholicorum episcoporum admodum præcipite, vt primatem nō ex ordine loci, postpositis vitæ meritis, faciat, quoniam apud dominum non

Ex decret. Zepheri- ni papæ. omnibus per Siciliam constitutis episcopis missis, cap. 2. Ex decret. Clemētis pap. ca. 9

Ex epist. Damasi papæ, ad Stephan. & ad concil. Africæ.

Ex epist. Felicis pæ. Paterno episcopi. miss. cap. 4. Ex re. ad Gēnadiū Patriciū et Exarchum Africæ.

gradus elegantior, sed vitæ melioris actio comprobatur. Ipse verò primas, non passim, sicut moris est, per villas, sed in vna, iuxta eorum electionem, ciuitate resideat.

Vt episcopi singularum gentium sciant quis inter eos sit primus. Cap. CLIX.

*Ex epi-
stol.*

*Anacle-
ti pape,
omnibus
episcopis
missa.*

BEati etiam apostoli inter se statuerunt, vt episcopi singularum scirent gentium, quis inter eos primus esset: quatenus ad eum potior eorum sollicitudo pertineret. Nam & inter beatos apostolos quædam fuit discretio. Et licet omnes essent apostoli, Petro tamen à domino est concessum, & ipsi inter se id ipsum voluerunt, vt reliquis omnibus præfesset apostolis Cephass, id est, vt Petrus principatum teneret apostolatus. Qui & eandem formam suis successoribus & reliquis episcopis tenendam tradiderunt. Et non solum hoc in nouo testamento est constitutum, sed etiam in veteri fuit. Vnde scriptum est: Moses & Aaron in sacerdotibus eius, id est, primi inter eos fuerunt. Et quamuis ita sit ordinatum, nemo tamen quod suum est querat, sed quod alterius. Vnde ait Beatus apostolus Paulus: Vnusquisque placeat proximo suo in bonum ad ædificationem. Et sicut ipse saluator suis ait discipulis: Qui maior est vestrum, erit minister vester. Et reliqua.

Vt episcopus accusatus non cõmuniõne priuetur, nisi die statuta venire noluerit. Cap. CLX.

*Ex cõcil.
Cartha.
cap. 19.*

AVrelius episcopus dixit: Quisquis episcoporum accusatur, ad primatem prouinciæ ipsius causam deferat accusator, nec à communionem suspendatur cui crimen intenditur, nisi si ad causam suam dicendam electorum iudicium die statuta literis euocatus, minimè occurrerit, hoc est, infra spatium mensis ex ea die, qua eum literas accepisse confiterit. Quod si aliquas veras necessitatis causas probauerit, quibus eum occurrere non potuisse manifestum sit, causæ suæ dicendæ intra alterum mensem, integram habeat facultatem. Verum post mensem secundum non communicet, donec examinetur. Si autem ad consiliū vniuersale infra anni spatium occurrere noluerit, vt vel ibi causa eius terminetur, ipse in se damnationis sententiam dixisse iudicetur. Tempore sanè quo non communicat, nec in sua Ecclesia vel parochia cõmunicet. Accusator autem eius, si nunquam diebus causæ dicendæ defuerit, à cõmuniõne non re-